

Visoki predstavnik objavio odluku kojom se omogućava isplata malim štedišama banaka pod privremenom upravom

Visoki predstavnik Wolfgang Petritsch je juče donio Odluku kojom se vrše izmjene i dopune Zakona o bankama Federacije Bosne i Hercegovine. Ovom Odlukom se omogućava privremenim upravicima banaka da, ovisno o raspoloživim sredstvima i po potrebi na proporcionalnoj osnovi, isplate položena sredstva u iznosu do 5000 KM prije dostavljanja izvještaja o stanju banke Agenciji za bankarstvo. Takve isplate, prema vlastitom nahođenju, vrši privremeni upravnik, koji je odgovoran i za utvrđivanje uslova pod kojim će se isplate vršiti.

Odluka se ne odnosi na račune čiji vlasnički status nije transparentan, niti na negotovinske depozite ili sredstva koja se čuvaju u sefu banke. Ovom se Odlukom takođe ne omogućava isplata depozita ili zajmova utvrđenih po posebnim stopama ili drugim finansijskim ustupcima za koje postoji sumnja da su nanijeli štetu finansijskom saldu banke.

Rukovodstvo i dioničari sa udjelom od najmanje 5% od kapitala banke, kao i osobe odgovorne za izvršavanje obaveznih revizija računovodstvene dokumentacije banke nemaju pravo na ovakve diskrecijske isplate. Isplate se ne mogu vršiti ni rodbini niti zastupnicima ovih osoba.

Visoki predstavnik je izvršio izmjene i dopune pošto zakon u sadašnjoj formi ne omogućava isplatu sredstava malim štedišama

dok je banka pod privremenom upravom. Prema tome, ovom Odlukom je moguće skratiti period u kojem male štediše moraju čekati na povrat svojih uloga.

Izmjene i dopune stupaju na snagu odmah, te će se objaviti u Službenim novinama Federacije